

## **PLUS AMBIL LANGKAH PROAKTIF UNTUK MENGENDALIKAN PENINGKATAN JUMLAH KENDERAAN DI LEBUH RAYA SEMPENA CUTI PERAYAAN & HUJUNG TAHUN**

**Petaling Jaya, 22 Disember 2023:-** PLUS Malaysia Berhad (PLUS) menjangkakan peningkatan trafik sehingga 2 juta kenderaan sehari akan berada di lebuhraya kendaliannya terutamanya pada hari-hari puncak bersempena dengan musim cuti sekolah, perayaan Krismas dan Tahun Baharu.



Sehubungan itu, PLUS menasihatkan orang ramai yang menggunakan Lebuhraya PLUS di antara 22 Disember 2023 hingga 1 Januari 2024 supaya merancang perjalanan mereka dengan memilih waktu perjalanan yang sesuai untuk mereka mula memasuki lebuhraya melalui jadual digital My-TTA di dalam Aplikasi PLUS sepanjang tempoh musim perayaan ini.

Pada masa yang sama, PLUS turut proaktif membuat persediaan-persediaan lain untuk menguruskan peningkatan trafik melalui pelbagai pendekatan untuk membantu pengguna lebuhraya menikmati perjalanan yang selamat, lancar dan selesa sempena musim cuti sekolah, perayaan Krismas dan Tahun Baharu pada kali ini.

Sehubungan dengan itu, PLUS akan turut mengambil langkah-langkah berikut:-

- 1) Menambah pasukan PLUSRonda untuk mengadakan lebih rondaan di lebuh raya.
- 2) Menghentikan sementara kerja-kerja penyelenggaraan jalan di antara **20 Disember 2023 hingga 1 Januari 2024** (pengecualian diberikan kepada kerja-kerja kecemasan yang memerlukan tindakan segera demi keselamatan pengguna).
- 3) Menugaskan kira-kira 4,600 kakitangan di plaza-plaza tol, anggota PLUSRonda, kakitangan penyelenggaraan, Pusat Pemantauan Trafik dan anggota RELA.
- 4) Menyediakan makluman trafik terkini menerusi My-TTA, paparan papantanda elektronik lebuh raya, Aplikasi PLUS, X @PLUSTrafik, laman media sosial, Chatbot PUTRI dan stesen-stesen radio.

PLUS juga akan mengaktifkan laluan *SmartLane* di beberapa lokasi kritikal sepanjang lebuh raya kendaliannya bagi membantu menyuraikan trafik berikutnya peningkatan trafik yang dijangka berlaku pada musim cuti sekolah, perayaan Krismas dan Tahun Baharu yang akan datang.



Tertakluk kepada keadaan trafik semasa, laluan *SmartLane* akan diaktifkan di laluan antara Persimpangan Senai Utara hingga Persimpangan Kulai (KM19.0 hingga KM27.0 - Arah Utara) pada 22 Disember 2023 hingga 1 Januari 2024 (antara jam 8:00 pagi hingga 6:00 petang) dan antara laluan Persimpangan Port Dickson hingga Persimpangan Seremban (KM260.0 hingga KM263.1 - Arah Utara) pada 23 Disember hingga 25 Disember 2023 dan pada 29 Disember 2023 hingga 1 Januari 2024 (antara jam 9:00 pagi hingga 10:00 malam).

Sementara itu, PLUS juga bersiap sedia untuk mengaktifkan laluan *SmartLane*, di laluan Gua Tempurung - Gopeng (KM306.7 hingga KM297.0 - Arah Utara), Slim River - Sungkai (KM366.8 hingga KM354.0 - Arah Utara) dan dari Kawasan Rehat dan Rawat (R&R) Rawang - Persimpangan Sungai Buaya (KM439.5 – KM435.5 - Arah Utara), namun pelaksanaan ini tertakluk kepada keadaan trafik semasa di lokasi-lokasi terbabit.

PLUS turut menasihatkan semua pengguna lebuh raya supaya memastikan kenderaan mereka berada dalam keadaan baik, bersedia secara fizikal dan mental untuk perjalanan jauh dan lebih berhati-hati ketika memandu semasa musim hujan. Pengguna lebuh raya juga digalakkan untuk berhenti rehat di R&R atau hentian sebelah sebelum menyambung semula perjalanan.

Pengguna lebuh raya juga boleh mendapatkan maklumat trafik terkini menerusi My-TTA, Aplikasi X @PLUSTrafik, Aplikasi PLUS, Chatbot PUTRI, papan tanda elektronik (VMS) di lokasi-lokasi terpilih serta mengikuti laporan trafik terkini menerusi siaran-siaran radio utama negara.

-TAMAT-